

玉函山房輯佚書

玉函山房輯佚書目

經編禮記類

禮記馬氏注一卷 後漢馬融

禮記盧氏注一卷 後漢盧植

禮傳一卷 後漢荀爽

月令章句一卷 後漢蔡邕

月令問答一卷 後漢蔡邕

禮記王氏注二卷 魏王肅

禮記孫氏注一卷 魏孫炎

禮記音義隱一卷

謝氏

禮記范氏音一卷

晉范宣

禮記徐氏音二卷

晉徐邈

禮記劉氏音一卷

劉昌宗

禮記略解一卷

宋庾蔚之

禮記隱義一卷

梁何胤

禮記新義疏一卷

梁賁瑒

禮記皇氏義疏四卷

梁皇侃

禮記沈氏義疏一卷

後漢沈重

禮記義證一卷

後魏劉芳

禮記熊氏義疏四卷

後周熊安生

禮記外傳一卷

唐成伯璵

經編通禮類

石渠禮論一卷

漢戴聖

魯禮禘祫志一卷

後漢鄭元

三禮圖三卷

後漢鄭元阮諱等

問禮俗一卷

魏董勛

雜祭法一卷

晉盧諶

祭典一卷

晉范汪

後養議一卷

晉干寶

禮雜問一卷

晉范甯

禮雜議一卷

晉吳商

禮論答問一卷

宋徐廣

禮論一卷

宋何承天

禮論條牒一卷

宋任豫

禮論鈔三卷

宋庾蔚之

禮義答問一卷

齊王儉

禮論要鈔一卷

齊荀萬秋

禮統一卷

賀述

禮雜問答鈔一卷

梁何佟之

禮疑義一卷

梁周捨

三禮義宗四卷

梁崔靈恩

釋疑論一卷

唐元行沖

石渠禮論一卷漢戴聖撰聖字次君梁人官至九江
太守與沛聞人通漢子方梁戴德延君沛慶普孝公
同受禮於后蒼德號大戴聖號小戴以博士論石渠
事具漢書儒林傳案宣帝紀甘露三年詔諸儒講五
經同異太子太傅蕭望之等平奏其議上親稱制臨
決焉儒林施讐傳甘露中與五經諸儒雜論同異於
石渠閣師古曰三輔故事云石渠閣在未央殿北以
藏秘書也漢藝文志禮十三家有議奏三十八篇注
石渠隋書經籍志載石渠禮論四卷戴聖撰者卽漢

志之議奏也論石渠者易有施讐梁邱賀書有歐陽
地餘林尊周堪假倉詩有韋元成張生薛廣德禮有
戴聖聞人通漢春秋公羊有嚴彭祖申輓伊推宋顯
穀梁有尹更始劉向周慶丁姓隋志題戴聖撰者蓋
論出諸儒而近君一人所手定也唐志不著錄時已
散佚詩禮正義及後漢書補志注引之多係節文杜
佑通典引十九節差具本末排次於前其他逸句附
後隋志此書下注云梁有羣儒疑義十二卷戴聖撰
亡唐以前書傳無引述者固無從採輯之也歷城馬

國翰竹吾甫

石渠禮論

漢 戴聖 撰

鄉請射告主人樂不告者何也

戴聖曰請射告主人者賓主俱當射也夫樂主所

以樂賓也故不告於主人也

杜佑通典卷七十七

宣帝甘露三年三月黃門侍郎臨奏經曰鄉射合樂大射不何也

聞人通漢曰鄉射合樂者人禮也所以合和百姓也大射不合樂者諸侯之禮也韋元成曰鄉射禮

所以合樂者鄉人本無樂故合樂歲時所以合和
百姓以同其意也至諸侯當有樂傳曰諸侯不釋
懸明用無時也君臣朝廷當有之矣必須合樂而
後合故不云合樂也時公卿以元成議是通典卷七十七
○後漢書禮儀志劉昭注引石渠論曰鄉射合樂而大射不何也韋元成曰鄉人本無樂故於歲時合樂以同其意諸侯故自有樂故不復合樂

喪服斬衰父爲長子

以其爲五代之嫡也通典卷八十八

大宗無後族無庶子已有一嫡子當絕父祀以後大

宗不

戴聖云大宗不可絕言嫡子不爲後者不得先庶耳族無庶子則當絕父以後大宗聞人通漢云大宗有絕子不絕其父

宣帝制曰聖議是也

通典卷九十六

問父卒母嫁爲之何服

蕭太傅云當服周爲父後則不服韋元成以爲父沒則母無出義王者不爲無義制禮若服周則是子貶母也故不制服也

宣帝詔曰婦人不養舅姑不奉祭祀下不慈子是
自絕也故聖人不爲制服明子無出母之義元成

議是也

通典卷
八十九

問夫死妻稚子幼與之之人子後何服

韋元成對曰與出妻子同服周或議以爲子無絕

母應三年

同上

經云大夫之子爲姑姊妹女子子無主沒者爲大夫
命婦者惟子不報何

戴聖曰惟子不報者言命婦不得降故以大夫之

子爲文唯子不報者猶斷周不得申其服也

宣帝制曰爲父母周是也

通典卷九十九

大夫在外者三諫不從而去不絕其祿位使其嫡子奉其宗廟言長子者重長子也承宗廟宜以長子爲文

蕭太傅曰長子者先祖之遺體也大夫在外不得親祭故以重者爲文

宣帝制曰以在故言長子

通典卷九十

君子子爲庶母慈己者君子子貴人之子也爲庶母

石渠神書
小功以慈己加也

戴聖對曰君子子爲庶母慈己者大夫之嫡妻之
子養於貴妾大夫不服賤妾慈己則總服也其不
言大夫之子而稱君子子者君子猶大夫也

通典
卷九

二十

諸侯之大夫爲天子大夫之臣爲國君服何

戴聖對曰諸侯之大夫爲天子當總纁旣葬除之
以時接見於天子故旣葬除之大夫之臣無接見
之義不當爲國君也聞人通漢對曰大夫之臣陪

臣也未聞其爲國君也

又問庶人尚有服大夫臣食祿反無服何也

通漢對日記曰仕於家者出鄉不與士齒是庶人在官也當從庶人之爲國君三月服

制曰從庶人服是也

又問曰諸侯大夫以時接見天子故服今諸侯大夫臣亦有時接見於諸侯不

聖對曰諸侯大夫臣無接見諸侯義諸侯有時使臣奉賀乃非常也不得爲接見至於大夫有年獻